

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 065-0-SU-15-000969/2
Sarajevo; 29.04.2015.

Na osnovu člana 64. stav (1) tačka b) i člana 100. stav (3) Zakona o javnim nabavkama („Službeni glasnik BiH“ broj: 39/14) i člana 14. Pravilnika o unutrašnjoj organizaciji Općinskog suda u Sarajevu broj: 065-0-SU-11-003811 od 25.10.2011. godine, na preporuku Komisije za javnu nabavku broj: 065-0-SU-15-000969 od 22.04.2015. godine za nabavku usluga dezinfekcije, dezinsekcije i deratizacije, Predsjednik suda d o n o s i:

ODLUKU o izboru najpovoljnijeg ponuđača

Član 1.

Usvaja se žalba ponuđača „DERATIZER“ d.o.o. Sarajevo, izjavljene na Odluku o izboru najpovoljnijeg ponuđača broj: 065-0-SU-15-000969 od 22.04.2015. godine, u cijelosti.

Član 2.

Najpovoljniji ponuđač u postupku javne nabavke usluga dezinfekcije, dezinsekcije i deratizacije službenih prostorija Općinskog suda u Sarajevu, u skladu sa ponovljenom analizom dostavljenih ponuda i preporukom Komisije jeste „**SANACIJA 3D**“ d.o.o. Iliđa sa ukupnom vrijednosti ponude u iznosu od 4.051,71 sa PDV-om.

Član 3.

- (1) Prijedlog ugovora dostavit će se na potpis izabranom ponuđaču po isteku roka od 10 (deset) dana, računajući od dana kada su svi ponuđači obaviješteni o izboru najpovoljnije ponude.
- (2) Izabrani ponuđač je dužan dostaviti dokaze o kvalificiranosti u roku od 3 (tri) dana nakon što svi učesnici budu obaviješteni od strane Ugovornog organa o rezultatima postupka nabavke a u skladu sa tačkom 2. tenderske dokumentacije.
- (3) U slučaju da izabrani ponuđač propusti da dostavi dokaze o kvalificiranosti u navedenom roku ili dostavi neprihvatljive dokaze, ova odluka će se poništiti.
- (4) Ovom odlukom stavlja se u cijelosti van snage Odluka o izboru najpovoljnijeg ponuđača broj: 065-0-SU-15-000969 od 22.04.2015. godine.

Član 3.

Ova odluka objavit će se na web stranici suda, www.oss.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 065-0-SU-15-000969 – Nabavka usluga dezinfekcije, dezinsekcije i deratizacije službenih prostorija Ugovornog organa od 26.03.2015. godine.

Javna nabavka je provedena putem postupka: Konkurentski zahtjev za dostavljanje ponuda.

Procijenjena vrijednost javne nabavke bez PDV-a iznosi 5.000,00.

Tekst Konkurentskog zahtjeva učinjen je dostupnim na web stranici suda: www.oss.ba svim zainteresovanim ponuđačima, bez naknade. Za predmetnu nabavku objavljeno je obavještenje o nabavci na portalu javnih nabavki pod brojem 1299-7-2-18-3-5/15 dana 02.04.2015. godine u 15,26 sati. Zahtjev za dostavljanje ponuda upućen je slijedećim ponuđačima:

1. DEZITOX – SANITARCI d.o.o. Sarajevo
2. SANITACIJA d.o.o. Sarajevo
3. DERATIZER d.o.o Sarajevo

U skladu sa Odlukom o pokretanju postupka, Komisija za provođenje postupka javne nabavke formirana Rješenjem broj: 065-0-SU-15-000969 od 26.03.2015. godine provela je proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, a kako je traženo u Konkurentskom zahtjevu. Zapisnik o pregledu i ocjeni ponuda broj: 065-0-SU-15-000969 od 22.04.2015. godine čini sastavni dio ove odluke i u istom je utvrđeno slijedeće:

- da je ukupan broj pristiglih ponuda pet (5)
- da je blagovremeno zaprimljeno ukupno pet (5) ponuda
- da nema neblagovremeno zaprimljenih ponuda
- da svih pet (5) ponuda ispunjava uslove tehničke specifikacije i druge uslove propisane od strane Ugovornog organa.

U skladu sa kriterijumom najniža cijena, za nabavku usluga dezinfekcije, dezinskcije i deratizacije službenih prostorija suda, donešena je Odluka o izboru najpovoljnijeg ponuđača broj: 065-0-SU-115-000969 od 22.04.2015. godine kojom se ugovor dodjeljuje ponuđaču „DEZITOX - SANITARCI“ d.o.o. Sarajevo u ukupnoj vrijednosti ugovora iznosi 2.648,17 KM sa PDV-om.

U zakonskom roku na navedenu Odluku putem telefon faksa dana 27.04.2015. godine uložena je žalba od strane ponuđača „DERATIZER“ d.o.o. Sarajevo. U skladu sa Zakonom o javnim nabavkama i Zakona o upravnom postupku Ugovorni organ je utvrdio da je žalba u cijelosti osnovana. Ponuđač u svom dopisu koji sadrži sve elemente žalbe na postupak u skladu sa članom 105. Zakona između ostalog navodi slijedeće:

„U tenderskoj dokumentaciji kao Ugovorni organ pozivate se na Pravilnik o načinu obavljanja obavezne dezinfekcije, dezinskcije i deratizacije („Službene novine FBIH br. 81/14) i zahtjevate od ponuđača u tački 2.3 stav a) da dostave Rješenje Federalnog ministarstva zdravstva ili druge nadležne institucije kojim je utvrđeno da ponuđač ispunjava uslove u pogledu prostora, kadra i opreme za obavljanje DDD usluga – original ili ovjerena kopija ne starija od 3 mjeseca od momenta dostavljanja ponude.

Prema našim saznanjima firma „DEZITOX-SANITARCI“ d.o.o., nije dobila novo Rješenje Federalnog ministarstva zdravstva na osnovu Pravilnika o uvjetima u pogledu stručne spreme zaposlenika, prostorija i drugih uvjeta kojima moraju udovoljavatizdravstvene ustanove, privredna društva odnosno fizičke osobe-obrtnici za obavljanje dezinfekcije, dezinskcije i deratizacije („Službene novine FbiH br. 81/14 od 03.10.2014. godine). U navedenom Pravilniku u odjeljku IX Prelazne i završne odredbe, član 30 kaže: „Pravne i fizičke osobe koje obavljaju dezinfekciju, dezinskciju i deratizaciju saglasno propisima koji su bili na snazi prije stupanja na snagu ovog pravilnika, obavezne su se uskladiti sa odredbama ovog pravilnika“

Na osnovu navedenog smatramo da ste izabranog ponuđača firmu „DEZITOX – SANITARCI“ d.o.o. Sarajevo trebali diskvalifikovati, jer ista se nije usaglasila sa novim Pravilnikom do 03.04.2015. godine kada je bio i posljednji rok, te nije ni dobila odobrenja tj. dozvola za rad (Rješenje Federalnog ministarstva zdravstva).“

Radi ocjene osnovanosti žalbe Komisija za nabavku u predmetnom postupku, imenovana Rješenjem broj: 065-0-SU-15-000969 od 26.03.2015. godine ponovno je izvršila uvid u priloženu dokumentaciju dostavljenu uz ponude te je utvrdila slijedeće:

- - ponude ponuđača “KRISTAL” d.o.o. Sarajevo, “DEZITOX – SANITARCI” d.o.o. Sarajevo i „ECO-MEDIC“ d.o.o. Sarajevo nisu prihvatljive za Ugovorni organ iz razloga što nisu u cijelosti pripremljene u

skladu sa uslovima iz tenderske dokumentacije u tački 2.3 stav a). *Rješenje Federalnog ministarstva zdravstva ili druge nadležne institucije o kojim je utvrđeno da ponuđač ispunjava uslove u pogledu prostora, kadra i opreme za obavljanje DDD usluga - original ili ovjerena kopija ne starija od 3 mjeseca od momenta dostavljanja ponude.*

- ponuđači “KRISTAL” d.o.o. Sarajevo, “DEZITOX – SANITARCI” d.o.o. Sarajevo i „ECO-MEDIC“ d.o.o. Sarajevo nisu priložili Rješenje nadležne institucije kako je traženo tačkom 2.3 a) i Pravilnikom („Službene novine FBiH br. 81/14)
- navedeni ponuđači su uz ponudu priložili fotokopiju Rješenje Federalnog ministarstva zdravstva iz 2012. godine i “Zahtjeva za utvrđivanje ispunjenosti propisanih uslova prostora, opreme i kadra” koje su kao pružaoci predmetnih usluga u zakonskom roku uputili prema nadležnoj instituciji, Federalnom ministarstvu zdravstva, za izdavanje Rješenja kojim se odobrava obavljanje predmetne djelatnosti.
- Komisija je jednoglasno zauzela stav da su navodi iz žalbe ponuđača “DERATIZER” d.o.o. osnovani i da priloženi zahtjevi ipak ne znače da ispunjavaju uslove zahtjevanje Pravilnikom, i smatra da u skladu sa članom 68. stav (1) Zakona ponude nepotpune i iste se odbacuju.

Na osnovu utvrđenog činjeničnog stanja postoje uslovi za stavljanje van snage postojeću Odluku o izboru najpovoljnijeg ponuđača od 22.04.2015. godine i da se u skladu sa članom 100. stav (3) Zakona zamjeni novom odlukom o izboru najpovoljnijeg ponuđača.

Na osnovu ponovljene analize rang lista u skladu sa utvrđenom kriterijumu: „**najniža cijena tehnički zadovoljavajuće ponude**“ dvije ponude koje zadovoljavaju uslove propisane u tenderskoj dokumentaciji i koje su prihvatljive za Ugovorni organ :

- | | | | |
|----|---------------------------|-------------------|--------------------|
| 1. | SANACIJA 3D d.o.o. Ilidža | vrijednost ponude | 3.463,00 bez PDV-a |
| 2. | DERATIZER d.o.o. Sarajevo | vrijednost ponude | 4.300,46 bez PDV-a |

Cijeneći navedeno od strane Komisije u predmetnom postupku javne nabavke stavlja se van snage Odluka o izboru najpovoljnijeg ponuđača broj: 065-0-SU-15-000969 od 22.04.2015. godine i ugovor se dodjeljuje prvoplasiranom ponuđaču ponuđaču „**SANACIJA 3D**” d.o.o. Sarajevo čija ponuda u potpunosti ispunjava uslove tenderske dokumentacije.

PRAVNA POUKA

Protiv ove Odluke može se izjaviti žalba Uredu za razmatranje žalbi putem ugovornog organa u roku od 5 (pet) dana od dana prijema ove Odluke .

Prilog:

1. - Zapisnik o pregledu i ocjeni ponuda broj: 065-0-SU-15-000969-2 od 28.04.2015.

Dostaviti:

2. Svim učesnicima u postupku
3. Komisija za javne nabavke
4. Služba računovodstva
5. a/a

Predsjednik suda

JANJA JOVANOVIĆ